

清
實
錄

清

實

錄

高宗純皇帝實錄(七)

卷四八〇至卷五五三
乾隆二十年至二十二年

清實錄

第一五冊

中華書局影印

清 實 錄

(第 一五 冊)

高 宗 實 錄 (七)

中 華 書 局 出 版

(北京王府井大街 36 號)

北京市中國書店發行

中國建築工業出版社印刷廠印刷

787×1092 毫米 1/16·68 1/4 印張

1986 年 2 月第 1 版 1986 年 2 月北京第 1 次印刷

印數 0,001——1,500 冊

統一書號: 11018·1355—15 定價: 51.00 元

清實錄第一五冊目錄

高宗純皇帝實錄(七)

卷四八〇	乾隆二十年正月上	一
卷四八一	乾隆二十年正月下	一四
卷四八二	乾隆二十年二月上	三一
卷四八三	乾隆二十年二月下	四三
卷四八四	乾隆二十年三月上	五五
卷四八五	乾隆二十年三月下	六八
卷四八六	乾隆二十年四月上	八一
卷四八七	乾隆二十年四月下	九九
卷四八八	乾隆二十年五月上	一二四
卷四八九	乾隆二十年五月下	一二九
卷四九〇	乾隆二十年六月上	一五〇
卷四九一	乾隆二十年六月下	一六八
卷四九二	乾隆二十年七月上	一八四
卷四九三	乾隆二十年七月下	一九三
卷四九四	乾隆二十年八月上	二〇二
卷四九五	乾隆二十年八月下	二二三
卷四九六	乾隆二十年九月上	二三四
卷四九七	乾隆二十年九月下	二四一
卷四九八	乾隆二十年十月上	二五八
卷四九九	乾隆二十年十月下	二七二
卷五〇〇	乾隆二十年十一月上	二九四
卷五〇一	乾隆二十年十一月下	三〇九
卷五〇二	乾隆二十年十二月上	三三二
卷五〇三	乾隆二十年十二月下	三四二
卷五〇四	乾隆二十一年正月上	三五四
卷五〇五	乾隆二十一年正月下	三六七
卷五〇六	乾隆二十一年二月上	三七八
卷五〇七	乾隆二十一年二月下	四〇〇
卷五〇八	乾隆二十一年三月上	四〇八
卷五〇九	乾隆二十一年三月下	四二三
卷五一〇	乾隆二十一年四月上	四三六
卷五一一	乾隆二十一年四月下	四五二
卷五一二	乾隆二十一年五月上	四六六
卷五一三	乾隆二十一年五月下	四八一

卷五四	乾隆二十一年六月上	四九二	卷五三三	乾隆二十二年二月下	七一五
卷五二五	乾隆二十一年六月下	五〇三	卷五三四	乾隆二十二年三月上	七三一
卷五一六	乾隆二十一年七月上	五一四	卷五三五	乾隆二十二年三月下	七四一
卷五一七	乾隆二十一年七月下	五二七	卷五三六	乾隆二十二年四月上	七五六
卷五一八	乾隆二十一年八月上	五三八	卷五三七	乾隆二十二年四月下	七七三
卷五一九	乾隆二十一年八月下	五四六	卷五三八	乾隆二十二年五月上	七九三
卷五二〇	乾隆二十一年九月上	五五八	卷五三九	乾隆二十二年五月下	八〇八
卷五二一	乾隆二十一年九月下	五六八	卷五四〇	乾隆二十二年六月上	八二三
卷五二二	乾隆二十一年閏九月上	五七六	卷五四一	乾隆二十二年六月下	八四一
卷五二三	乾隆二十一年閏九月下	五八八	卷五四二	乾隆二十二年七月上	八六三
卷五二四	乾隆二十一年十月上	五九八	卷五四三	乾隆二十二年七月下	八八五
卷五二五	乾隆二十一年十月下	六一二	卷五四四	乾隆二十二年八月上	九〇五
卷五二六	乾隆二十一年十一月上	六三三	卷五四五	乾隆二十二年八月下	九二四
卷五二七	乾隆二十一年十一月下	六三一	卷五四六	乾隆二十二年九月上	九四一
卷五二八	乾隆二十一年十二月上	六四七	卷五四七	乾隆二十二年九月下	九五六
卷五二九	乾隆二十一年十二月下	六五七	卷五四八	乾隆二十二年十月上	九七二
卷五三〇	乾隆二十二年正月上	六七三	卷五四九	乾隆二十二年十月下	九九二
卷五三一	乾隆二十二年正月下	六八七	卷五五〇	乾隆二十二年十一月上	一〇一二
卷五三二	乾隆二十二年二月上	七〇一	卷五五一	乾隆二十二年十一月下	一〇三八

卷五五二 乾隆三十二年十二月上 一〇四六

1046

卷五五三 乾隆二十二年十二月下 一〇六三

一〇六三

大清高宗法天隆運至誠先覺體元立極敷文
奮武孝慈神聖純皇帝實錄卷之四百八十

監修總纂官經筵講官太子太傅文淵閣大學士文淵閣領事領侍衛內大臣稽察欽奉
吏部理藩院事務上書總辦副都統世襲副都統副都統加七級隨帶加一級尋常加二級軍功紀錄一次臣廣柱
總纂官經筵講官太子太傅大學士文淵閣領事稽察欽奉 上諭事件處管理刑部戶部三庫事務
世襲副都統副都統加九級隨帶加二級又加二級在軍功內大臣戶部尚書領侍衛內大臣副都統軍功紀錄五次
尋常紀錄十四次臣保齡經筵講官太子少保工部尚書紀錄六次臣曹振鏞等奉
敕修

乾隆二十年乙亥春正月乙亥朔

上詣

奉先殿行禮○詣

堂子行禮○率王以下文武大臣詣

壽康宮慶賀

皇太后禮成御太和殿受朝作樂宣表如儀○

詣

大高殿

壽皇殿行禮○遣官祭

太廟後殿○御乾清宮賜宗室王公等宴○詣

皇太后宮問安○賞給貝子扎拉豐阿貝勒品
級丙子

上詣

皇太后宮問安○御乾清宮賜大學士尚書等
宴○諭江南淮揚徐各屬近年未獲豐收雖
已截漕發粟多方賑借現獲寧居恐二三月
間青黃不接之時民力不無拮据尚應再為
調劑著該督撫等體察情形有應加恩賑給
之處即行奏聞辦理以示優卹○諭軍機大

臣等達勒當阿帶領索倫巴爾虎兵起程從
前原議於四月內齊集軍營今兩路哨探兵
改期於二月內前進著傳諭黑龍江將軍綽
勒多選派妥人追及達勒當阿令於所帶索
倫巴爾虎兵內酌挑二三百人親帶進行務
於二月內前赴軍營其餘兵丁亦令趲行速
往陝西巡撫陳宏謀奏陝境軍站計九百
五十五里照雍正七年例設正站九腰站二
十每正站派千把總一兼管腰站不免掣肘

擬正站添文員一。腰站添千把總一。再正站馬三十匹。腰站十七匹。兵出口後。不敷馳遞。擬撥南路各驛馬。添沿邊正腰站各四匹。報聞。○丁丑。諭軍機大臣等。定邊左副將軍阿睦爾撒納帶領哨探兵。由北路進剿。著叅贊大臣額駙色布騰巴勒珠爾。郡王品級青滾雜卜。內大臣瑪木特。奉天將軍阿蘭泰。一同前進。定邊右副將軍薩喇勒帶領哨探兵。由西路進剿。著叅贊大臣郡王班珠爾貝勒品級扎拉豐阿。內大臣鄂容安。一同前進。所有陳奏事件。北路著阿睦爾撒納為首。西路著薩喇勒為首。叅贊大臣等俱著並列。應奏事件。一面奏聞。一面呈報將軍。兩路哨探兵會合一處。則令阿睦爾撒納為首。其續進大隊兵丁到日。北路著班第。西路著永常為首。兩路大兵會合一處。遇有奏事。即著班第為首。○戊寅。上以祈穀於

上帝。是日起齋戒三日。○己卯。諭軍機大臣等。軍臺雖屬緊要。而進兵所關尤重。今閱額駙色布騰巴勒珠爾奏管臺務名單。有調往西路之貝勒品級車木楚克扎布。出征隊內之郡王桑寨多爾濟等。著傳諭阿睦爾撒納等。所派臺務之扎薩克。或能託伊親信之人代辦則可。若必須親往。於進兵之事。稍有掣肘。即另選扎薩克辦理。其已派出兵之人。不必復派臺務。○庚辰。享

太廟。遣顯親王衍潢恭代行禮。○遣官祭太歲之神。○

上詣

南郊齋宮齋宿。○諭軍機大臣等。陳宏謀奏北路解送馬匹。中多疲乏。不足備甘省安臺之用。仍就西安督撫標馬。及挑存留省馬匹內。挑選解赴甘省應用。北路解送馬匹。既多疲瘦。即不用之備戰。而安臺遞送兵丁。亦屬緊要。若不上緊餵養。臙壯。正恐臨期有誤。現在

西路兵丁已於正月初旬陸續起程馬匹關係緊要著傳諭劉統勲嚴飭承辦各員加緊飼餵以利進行勿致稍有遺誤命派內務府官一員解棉甲一千領往西路軍營辛巳祈穀於

上帝

上親詣行禮

世祖章皇帝忌辰遣官祭

孝陵

上詰

皇太后宮問安諭曰皇十四叔恂郡王自復封王爵以來甚屬恭謹竭誠供職昨聞患病適御齋宮是以先遣阿哥等往視賞給經被今聞溘逝深為惻然著派三阿哥前往穿孝賞銀一萬兩料理喪務俟逾祭祀之期朕當往奠軍機大臣議奏平定準噶爾善後事宜一查四衛拉特台吉戶口如何給爵授扎薩克及編列旗分佐領設官俟班第等議奏

其四衛拉特之人原係散處應安置各原駐附近地方不必將一姓聚處一。回人俱有地畝歲納貢賦於準噶爾今準夷底定回人內屬除歲供喇嘛外餘賦悉蠲貢額亦應議減內如吐魯番原係內地應將其回目查出俾管所屬爪州居住之額敏和卓屬下回人亦仍移吐魯番安置。現收之烏梁海既編列旗分佐領有續收者應照辦同移置各原地方其管轄人令班第等選奏。扎哈沁人衆應移於喀爾喀游牧之外厄魯特台吉等所住之內則阿爾台內藩籬愈固包沁與扎哈沁相近應俱令瑪木特掌管。大兵撤回應於滿洲蒙古兵內留五百名隨班第等駐劄伊犁各盟回部烏梁海咨報伊犁文移應設臺站令班第等酌辦。伊犁既駐大臣應擇形勝地駐兵為聲援西路吐魯番魯布沁地方膏腴可耕請駐兵一千再爪州烏魯木齊俱可屯駐兵則伊犁魯布沁聲息相通亦

展疆土。一準夷既平。喀爾喀游牧。應加恩展寬。喀爾喀厄魯特游牧。即以阿爾台山梁為界。其間烏梁海所居游牧不動外。所有陰坡。令喀爾喀游牧居住。陽坡。令厄魯特游牧居住。喀爾喀西界。既經展遠。其東陸鄂爾坤。塔密爾。推河等處。俱閒。喀爾喀北界俄羅斯。西界厄魯特。請派京師滿蒙兵數千。前往閒處屯田。一如蒙古授產安插。以靖邊境。從之。

壬午。諭曰。鄂容安現往西路軍營。參贊軍務。一時未得。即回兩江之任。尹繼善現署督篆。伊前任兩江時。一味沽名邀譽。以致該省吏治。日漸廢弛。經鄂容安大加整頓。各屬知所敬畏。諸事認真辦理。始克挽回頹風。今該署督繼整頓之後。若能遵守成規。不拘情面。不好名譽。諸事以實。乃為不負任使。倘其務名舊習。牢不可破。仍蹈前轍。致該省吏治。仍復廢弛。恐尹繼善亦未能任此咎也。在屬員中。果有婪贓敗檢之人。尹繼善亦未敢遽為容

隱。惟是上和下睦之習。漸不可長。或以為尚可曲庇而姑容之。豈不足市恩邀譽。而不知積重難返。滋弊實深。所謂積小成大者。不可不力治其源也。至南河伏秋大汛時。尹繼善仍行親往工次督率。其尋常時一切工務。俱交富勒赫悉心專辦。並傳諭富勒赫知之。

癸未。

上詣

皇太后宮問安。詰

大高殿行禮。詰

雍和宮行禮。臨故恂郡王允禔第奠酒。諭軍機大臣等。從前用兵和通呼爾哈諾爾等處時。我官兵征戰未歸。或尚有在準噶爾者。夫以臨陣被擄。偷生賊地。至大兵蕩平方被查出。理應分晰明正典刑。此內如係兵丁及護軍校驍騎校等。即照同車凌阿睦爾撒納前來之滿洲等。仍給本人為奴。如係大臣官員。非微賤者。可比。若羅卜藏丹津。巴濟茂海。

原任歸化城副都統索布。原任叅領拉察布等。俱係背叛之人。尤為可惡。查出時。即一面奏聞。一面派員解送來京。毋得令其脫逃。自盡。至額駙策凌之子嗣。在伊游牧被擄。與臨陣者不同。如或現在。自應請旨辦理。喀爾喀內有似此者。亦照此例。其非臨陣被擄。自行逃往者。亦解送來京。倘係在彼處所生子孫。即照收服厄魯特例辦理。毋庸深究。將此傳諭兩路將軍大臣等知之。又諭曰。爾等所議。平定準噶爾善後事宜。著鈔寄鄂容安。令其詳察彼處情形。應否如此辦理。或尚有應酌之處。即與阿睦爾撒納。班第。薩喇勒。瑪木特等。會議具奏。再新厄魯特等進兵時。肆行搶掠。班第業經奏聞。朕亦早已曉諭。阿睦爾撒納等。此次哨探兵前往。理宜加意禁止。薩喇勒之兄。現在彼處。如伊兄給伊微物。及伊屬下人畧為逢迎饋遺。可以毋庸深究。若過分貪取牲隻。或擄掠婦女。鄂容安即以已意

提撕。薩喇勒一經指示。自當斂戢。鄂容安其審擇輕重。留心辦理。又諭曰。劉統勲奏接准廷議。西路兵丁。於二月先進數千。但索倫兵自京至軍營。計程八十餘站。非兼程疾馳。勢難剋期而至。擬即日前往甘涼一帶相度。各站車驛馬匹情形等語。西路先進之兵。係厄魯特及甘涼滿洲兵。非索倫兵也。原議於三月初由軍營進發。是二月內即應齊集。而索倫等兵自京起程。長途按站次第前進。即使沿途車馬無誤。亦不能疾馳而至。劉統勲此奏。似屬誤會。但第一二起索倫兵。業於正月初三等日起行。較原議已早半月。若至陝甘境內。再能稍為變通。酌量趲行。今早至軍營。更為有益。然亦不必改安臺站。多費周章。或致欲速轉遲。總以妥協適行為善。其甘涼等處滿漢官兵。俱當及早料理。照議分起速發。聽候調遣。所有起程日期。附摺奏聞。再現議大兵到日。俱駐巴里坤。另摺所奏。火藥軍

裝口糧等項。即應運至軍營。不必更駐哈密。該督可留心上緊督率辦理。以濟軍資。并傳諭鄂容安。鄂昌等知之。又諭。著寄信納木扎勒。昨詢問從軍營送來之同巴朗等。逃竄在扎哈沁居住之沙拜等四戶人。皆云被巴朗脅帶。並非情願。隨往等語。此等小人。其被脅情形。雖未可信。但伊等台吉。既皆派兵奮勉行走。著加恩。仍賞給各台吉。交與原送來之侍衛額爾恒特。令其送交納木扎勒。詢問。若係車凌孟克。恭沙喇。額布根之人。即交伊等外。其家布一戶。既係阿布達什之人。即送與唐喀祿。交給阿布達什。再先送來之達木不勒。與其姪格勒克。皆係額布根之人。亦著交額爾恒特。帶去交給。納木扎勒。接奉此旨。先行曉諭。車凌孟克。恭沙喇。額布根等。俾知朕恩。留心約束。毋使逃竄。若伊等台吉。已經起程。可明白行文知悉。仍交在家之宰桑妥協安置。又諭。據阿睦爾撒納奏稱。曉諭準

噶爾勒。旨。用寶頒行。更為有益。所奏甚是。勅旨。不可無印。然亦不宜盡用御寶之勅。可照式另辦六道。黃絹用寶。分送兩路。各三道。以備給北路達瓦齊等大員。西路噶勒丹多爾濟等大員之用。其先齋之勅旨。即用將軍印。分給所遇之人。俟用寶勅旨到時。即行頒送。將此寄信。阿睦爾撒納。并班第。永常。薩喇勒等知之。又諭。據阿睦爾撒納奏稱。詢據投降之庫本。告稱。包沁人等。投入哈喇額爾齊斯。居住彼處人。皆言大兵前來。須待明年草青。當此牲畜孳生。暫且過冬。一俟雪消。即往額林哈畢爾噶去等語。看來。準噶爾料我兵於出青前。斷不能進。若乘其不備。於二月間進兵五六千。必能成功。著寄信。阿睦爾撒納等。即遵旨辦理。又諭。據兆忠等奏。請將喀爾喀驛站羊隻。照喀喇沁例。每隻給銀七錢。此兩年差務。絡繹現。又進兵。著照所請。給與甲申。諭協辦大學士。尚書。阿克敦。現。患目

疾請假調理著賞假一月派太醫院院判施世琦前往診視刑部尚書事務著阿里衮暫行署理翰林院掌院事務著介福暫行署理鑲白旗漢軍都統事務著李元亮暫行署理○叅贊大臣額駙色布騰巴勒珠爾等奏據阿睦爾撒納云庫克新瑪木特通瑪木特等係新收之人庫克新瑪木特尤巧滑難信前曾據我游牧先進兵原為偵探消息如帶伊等前往恐致洩漏不如令在後隊行走臣看阿睦爾撒納情形甚不願與庫克新瑪木特等進兵得旨阿睦爾撒納所慮甚是具見伊誠心欲成大功朕為欣覽但此摺未到之先朕以庫克新瑪木特老成習事於軍前不為無益故降旨令其先行今若停止前去未免反生猜疑且伊此際尚屬奮勉即或心懷叵測有阿睦爾撒納在彼伊何能為其烏梁海之兵著即停其派往諭軍機大臣等阿睦爾撒納因庫克新瑪木特曾據伊游牧是以不

願同行但用人惟期於事有益豈可因伊之言即為停止著將原摺并朕批示但鈔寄班第令將伊等調劑務同心協力用秦肅功不宜稍露形跡定邊左副將軍阿睦爾撒納奏察達克圖倫楚文稱兵至華額爾齊斯收獲包沁宰桑阿克珠爾與得沁人等并通瑪木特家口交恭格敦丹照管居住包沁之得木齊和濟木瑚里獲噶勒雜特之庫綱詢稱從前巴朗在奇蘭居住聞大兵來逃往阿里克台察達克現往擒拏查包沁乃布魯特回種與烏英齊博東齊近日久知我兵少難保無虞隨派兵往迎恭格敦丹遷包沁於齋拉罕又侍衛蒙固勒等文稱扎哈沁之得木齊瑚爾海齊獲逃人納瑪林詢知被巴朗脅帶早欲歸降故來扎哈沁居住有包沁人顏達什自伊犁來納瑪林向問據云在齋爾地方遇台吉巴特瑪車凌額琳沁及阿睦爾撒納宰桑默克勒齊三人領哈薩克兵擄我牲口

聞去擒達瓦齊。現令顏達什庫綱解營詢問。諭軍機大臣等。阿睦爾撒納將新收包沁人等。安插齋拉罕。甚是將來招服噶勒雜特人等。亦著照此辦理。朕從前惟聞阿睦爾撒納征戰甚勇。今閱伊所奏。如令顏達什庫綱前來詢問。準噶爾情形。及發兵接濟察達克等。甚合機宜。朕深嘉之。察達克等不費一矢。即收服包沁人衆。顏達什復稱巴特瑪車凌帶領哈薩克兵。往討達瓦齊。看來準噶爾內亂。計窮力竭。我兵神速。即可成功。今若度量情形。可毋庸會合西路之兵。即揀選精兵數千。於二月中旬。奮勇深入。更覺易於集事。著交與阿睦爾撒納酌量辦理。察達克此次收服包沁人衆。及往擒巴朗等。殊屬奮勉。其人亦頗誠實。除烏梁海兵丁不必派往外。伊身及伊所帶曾經効力之烏梁海二十人。仍帶領前進。可即傳諭阿睦爾撒納知之。隨命察達克實授副都統。圖倫楚為頭等侍衛。翁郭爾

扎木禪為二等侍衛。又諭曰。通瑪木特為人誠實恭敬。朕甚嘉悅。是以加恩授為散秩大臣。賞賚衣服銀物。今聞溘逝。殊堪軫念。著傳諭軍前大臣。於軍營內支銀二百兩。賞伊家屬治喪。并揀選伊子襲職。再伊家屬。如在原游牧處。著庫克新瑪木特照看。或欲來察哈爾地方。即相依薩喇勒居住。并令其加意照看。戶部議覆。江蘇布政使彭家屏奏。下江兵糧。請坐定州縣撥給。并以南鳳易換漕五等米。派撥應如所請。其水脚未便動支。漕費應另籌。南鳳抵換不敷。照舊採買。坐撥州縣。或遇災緩。仍令督撫籌辦。至京口旗營兵米。向於丹徒。丹陽。金壇分截。既稱徒邑漕船阻礙運河。又有轉給運費之煩。准將徒邑漕糧全截。不足仍於陽壇。漕米撥給。從之。乙酉。諭軍機大臣等。昨降旨。令阿睦爾撒納揀選精兵奮勇前進。想伊接到此旨。必尅期進兵。其西路大兵。亦應一體趲行前進。著將原

旨鈔寄永常等。務期竭力邁發。迅奏膚功。兵部議覆直隸總督方觀承奏。由宣化遞京軍站。除下堡榆林。毋庸添馬外。迴龍觀至宣化城十二站。沙嶺堡至枳兒嶺五站。馬匹不敷。應各撥添十匹。沙嶺堡至枳兒嶺五站。臺員已足。迴龍觀至宣化城十二站。惟昌平宣化兩站。設有專員。迴龍觀首站。應添設千把三。餘九站。添千把二。三月一更。再陝晉文報南至井陘。北至良鄉。共十三驛。各相距四五十里。六七十里不等。議於長生口。徵水鋪。趙林鋪。拐角鋪。馬頭。明月店。清風店。新店。大激店。灤河。六里屯。澤畔村。琉璃河。盧溝橋。添腰站十四。各設馬十五匹。仍於每正站添千把外委一。亦三月一更。西北兩路。責成口北道。霸昌道。宣化府。北路廳及該管之叅游等。南路責成清河道。正定。保定。二府。西路廳及該管之叅游等分查。均如所請。從之。○以正紅旗漢軍副都統祖尚德。為直隸天津鎮總兵。

官調福州副都統齊斌。為正紅旗漢軍副都統。正紅旗滿洲副都統明福。為福州副都統。○丙戌。上詣大高殿行禮。○奉皇太后居長春仙館。○詣安佑宮行禮。○幸圓明園。○青海郡王索諾木丹津奏請於游牧處豫備兵內。帶往噶斯効力。得旨。索諾木丹津著帶兵一千名。馳驛前往噶斯駐防。如有投誠者。即行受降照管。○丁亥。上幸山高水長。幄次。賜蒙古王公等食。○賞厄魯特侍衛達什敦多布副都統職銜。銀一百兩。命赴軍營。○諭軍機大臣等。阿睦爾撒納等奏察達克圖倫楚等。據包沁之得木齊和濟木瑚里。通瑪木特所屬得木齊哈喇勒岱。告稱噶勒雜特之宰桑哈薩克錫喇都噶爾領兵二千。欲擄包沁人眾。隨即帶兵退回。此必包沁人內有陰懷異心者。虛為聲揚。察達

克等並未詳察即已退兵。適為其所愚耳。因此益見阿睦爾撒納前將包沁人等安置齋拉罕地方甚合機宜。厄魯特侍衛達什敦多布係哈薩克錫喇一處宰桑都噶爾之兄。其戶口尚在噶勒雜特。今伊情願前往招服噶勒雜特人等。并擒拏巴朗朕已賞達什敦多布副都統職銜。令其馳驛前往軍營。此際察達克等雖回。不過到齋拉罕等處。著阿睦爾撒納速諭伊等。即於所到處等候達什敦多布。不必遣包沁兵前往。著於努三所管兵內再派數百名共備一千交察達克圖倫楚翁郭爾扎木禪及達什郭多布。公同帶領前進。噶勒雜特聞我兵退回。必然無備。乘此加兵自更易於成功。阿睦爾撒納即遵朕旨。明白曉諭。妥協辦理。一面速行回奏。江南河道總督兼署兩江總督尹繼善署理河道總督富勒赫奏。南河捐栽柳楊。多係託兵代植。以細枝充數。甚至砍伐官樹插種。幸而成活。即

邀議敘查驗後絕不照管。漸次枯朽。查每年兵丁額栽數十萬株。儘足敷用。捐栽之例應停止。再楊樹宜高燥。豐銅等廳卑濕。十餘年之楊。圍圓尚不及尺。請仍裁柳得旨。所奏甚是。該部照所請行。戊子。

上奉

皇太后幸同樂園侍早晚膳至丁酉皆如之。御正大光明殿賜太學士尚書等宴以麓山聯句。諭曰。提督豆斌總兵傅魁馬得勝現派領兵其安西提督事務著治大雄就近署理。延綏鎮總兵事務著周文魁署理。肅州鎮總兵事務著舒敏署理。諭軍機大臣等。阿睦爾撒納奏察達克等聞和濟木瑚里等告稱噶勒雜特備兵欲據包沁。即行退回。阿睦爾撒納以察達克等為和濟木瑚里等所愚。所見甚是。但伊等何故布散流言。著阿睦爾撒納即將和濟木瑚里哈喇勒岱二人拏至軍營嚴審。再和濟木瑚里等如此欺誑。必包沁人內有